


საქართველოს



ღაარსეპულია
1918 წელს.
სუთუბათი, 24 ივლისი, 2014 წელი.
№144 (7525)

რესპუბლიკა

ელექტრონული ფოსტა: sakresp@mail.ru და sakresp@wanex.ge ვებ გვერდი: www.open.ge ფასი 50 თეთრი.

თხუთმეტი წლის წინათ
ორბიჭაზე
პირველი
ქართული
კოსმოსური
ობიექტი
გაიყვანეს

4

საზოგადოება
„რეგენას ტესტი“
ვერ ჩააბარა

3

რა ხდება მაშინ, როცა სისტემა მანქანურია?!

ღარიბაუზვილა
კურსი
მენეჯერული ტიპის
მინისტრებზე აიღო

7

„ვენდობით იმ ადამიანებს,
რომლებიც ჩვენი
გუნდის წევრები არიან“

6

ბრძოლა
პირველობის
შენარჩუნებისთვის
ბრძელდება

5

როგორ გზადგებოდა
2008
წლის
აგვისტოს
ოვი

9

რასაც ჩვენს გაზეთში წაიკითხავ, სვამან ვერ ნახავ!..

თბილისის საკრებულოში

დედაქალაქის საკრებულოში პოსტები გადანაწილდა. თუკი გასულ კვირას თბილისის საკრებულოს ახლადარჩეული თავმჯდომარის პირველ მოადგილედ გიორგი ტყემალაძე დასახელდა „ქართული ოცნებიდან“, ამჯერადაც თავმჯდომარის მოადგილეების პოსტი კვლავ „ქართული ოცნების“ წევრებს ერგოთ. მიზეზი მარტივია – ვენდობით იმ ადამიანებს, რომლებიც ჩვენი გუნდის წევრები არიან.

კერძოდ, საკრებულოს თავმჯდომარის გიორგი ალიბეგაშვილის მოადგილეების პოსტები სმთა უმრავლესობით გიორგი ახვლედიანმა და მალხაზ მჭედლიშვილმა დაიკავეს.

ახალი რეგლამენტით, თბილისის საკრებულოს თავმჯდომარეს სამი მოადგილე უნდა ჰყავდეს, რომლებიც საკრებულოში არსებული კომისიების კურირებას მოახდენენ. თავის მხრივ, 11 კომისიის ხელმძღვანელებიც საკრებულოს უმრავლესობამ „ქართული ოცნების“ შტატით დააკომპლექტა.

საკრებულოს ფრაქცია „ქართული ოცნების“ წევრი ჯაბა სამუშია საკრებულოს სხდომის დაწყებამდე აცხადებდა, რომ საკრებულოს თავმჯდომარეს პოლიტიკური ნიშნით შერჩეული მოადგილეები აღარ ეყოლებოდა. ამის მიუხედავად, საკრებულოს ოპოზიციონერი წევრები მაინც მიიჩნევენ, რომ დედაქალაქის მრავალპარტიულ საკრებულოში ოპოზიციისთვის თანამდებობა არ გამოიწახება და საკრებულოს ახალი შემადგენლობა დაადგა იმ გზას, რასაც 2006 წელს ნაც-მოდრაობის საკრებულო, რომელიც მოქმედებდა პრინციპით – მოგებულს მიაქვს ყველაფერი.

საკრებულოს დამოუკიდებელი დეპუტატი ალექსი ელისაშვილი მიიჩნევს, რომ „ქართულმა ოცნებამ“ ძალზე ცუდი პოლიტიკური კულტურა გამოავლინა, რადგან სააკაშვილის დროსაც კი დეკორატიულად და ზრდილობის გულისთვის ოპოზიციას რაიმე თანამდებობას შესთავაზებდნენ ხოლმე, დღეს კი „ქართულმა ოცნებამ“ თანამდებობის 100% აიღო. მაშინ, როცა „ქართულ ოცნებას“ არჩევნები 100%-ით არ მოუგია.

„საქმისთვის უფრო მართებული იქნებოდა, ოპოზიციისთვის სარევიზო კომისიის თავმჯდომარის პოსტი მაინც შეეთავაზებინათ. ჩემს თავზე არ ვსაუბრობ, სარევიზო კომისიის არაფერი გამეგება, ამის ამბიცია ნამდვილად არ მაქვს. ძალიან ცუდი და დასანანია, პირველ რიგში „ქართული ოცნებისათვის“ და, ზოგადად, ქალაქისთვის, როდესაც საკრებულო ასე იწყებს მუშაობას“, – აღნიშნა ალექსი ელისაშვილმა.

საკრებულოს ფრაქცია „ქართული ოცნების“ თავმჯდომარე გიორგი მუსხელიშვილი კი ამბობს, რომ ისინი უფრო მეტად ენდობიან იმ ადამიანებს, რომლებიც მათი გუნდის წევრები არიან და მათთან ერთად ამჯობინებენ საქმის კეთებას.

კოალიცია „ნინო ბურჯანაძე – ერთიანი ოპოზიციის“ წარმომადგენელი, საკრებულოს დეპუტატი ზაზა ვეკუა for.ge-სთან საუბრისას აცხადებს, რომ „დემოკრატიულმა მოძრაობამ“ კენჭისყრაზე დააყენა საკითხი, შემცირებულიყო თავმჯდომარის მოადგილეების და კომისიის წევრთა რაოდენობა. თუმცა, რაოდენ საო-



„ვენდობით იმ ადამიანებს, რომლებიც ჩვენი გუნდის წევრები არიან“

ცარიც არ უნდა იყოს, მათ წინადადებას მხოლოდ „ნაციონალურმა მოძრაობამ“ დაუჭირა მხარი.

„მიგვაჩნდა, ეს არის გაბერილი შტატები და ფულის ხარჯვა. როდესაც საშტატო განრიგზე იყო საუბარი, დავაყენე საკითხი, რატომ არ არის არსად გათვალისწინებული ოპოზიციის? მივმართე „ოცნების“ წარმომადგენლებს, ნუ გავიწყლებათ, რომ ნაციონალური მოძრაობის მიერ მიღებული საარჩევნო კოდექსით, რეალურად დედაქალაქში მხარდაჭერის 46% მიიღეთ, ანუ პროპორციული სისის მიხედვით, 54%-მა მხარი არ დაგიჭირათ, თუმცა, საკრებულოში წარმომადგენელი ხართ 75%-ით ერთმანდატიანი ოლქების ხარჯზე, როგორც ამას აკეთებდა ნაციონალური მოძრაობა. ამ კონსულტაციების დროს მივმართე საკრებულოს თავმჯდომარეს გიორგი ალიბეგაშვილსაც და ვუთხარი, ახლა შეიძლება ფიქრობთ, რომ ამ გუნდიდან ვიღაცამ მანქანა უნდა აიღოს, ვიღაცამ სავარძელი უნდა მიისაკუთროს, მაგრამ ეს თქვენ, როგორც თავმჯდომარეს, ძვირად დაგიჯდებათ, რადგან ყველანაირ თანამშრომლობაზე უარი თქვით. ჩვენ მზად ვიყავით, უარი გვეთქვა თავმჯდომარის მოადგილეობაზე და კომისიის თავმჯდომარეობაზეც. ვუთხარი, არ გეგონოთ, ჩვენ თანამდებობები გვჭირდება, ეს სჭირდება საკრებულოს. არა მარტო განვითარებულ, არამედ ყოფილ საბჭოთა კავშირის ქვეყნებშიც კი სარევიზო კომისიის თავმჯდომარე ყველგან ოპოზიციიდანაა, რადგან ერთმა გუნდმა საკუთარი თავი როგორ უნდა შეამოწმოს?“ – აცხადებს ზაზა ვეკუა და „ქართული ოცნების“ წევრს ჯაბა სამუშიას პასუხობს, რომ დღეს თბილისის საკრებულოს ზუსტად პოლიტიკური ნიშნით შერჩეული თავმჯდომარის მოადგილეები ჰყავს.

„ქართული ოცნების“ წარმომადგენელი საკრებულოში დავით ზურაბიშვილი for.ge-სთან საუბრისას აცხადებს, რომ „ქართული ოცნება“ მრავალპარტიული კოალიციაა და ეს არ არის ერთი პარტია. მისი თქმით, კოალიციის წევრები და პარტიის წარმომადგენლები ისე ცხარედ კამათობენ ერთმანეთში, რომ ზოგჯერ მათ ოპოზიციის უფრო უჭერს მხარს, ვიდრე თავისივე უმრავლესობის წევრი. ასე მოხდა საკრებულოს წინა სხდომაზეც.

„გინდა თუ არა, ყველა ადგილი აიღო მმართველმა პარტიამო, სწორი არ არის. რაც შეეხება თავმჯდომარის მოადგილეებს და კომისიის თავმჯდომარეებს, ეს გადანაწილდა კვოტების მიხედვით, თუ რომელ პარტიას რამდენი კვოტა ექნებოდა. კოალიციის ფორმატში იყო ამაზე თათბირი, კამათიც, იყო განსხვავებული მოსაზრებებიც, მაგრამ წარმომადგენელ კანდიდატებზე შევჯერდით“, – აცხადებს დავით ზურაბიშვილი და ფიქრობს, რომ წინა ხელისუფლების დროს ოპოზიციისთვის პოსტის შეთავაზება მხოლოდ ფორმალურად იყო. ამჯერად კი სასურველია, ოპოზიციის მონაწილეობა კანონმა განსაზღვროს. ამიტომ დავით ზურაბიშვილის თქმით, ყველა წარმომადგენლობით ორგანოში ოპოზიციას მოადგილის თუ კომისიის მაკონტროლებლის პოსტი ექნება.

ცნობისთვის, საკრებულოს კომისიები შემდეგნაირად გადანაწილდა: სარევიზო კომისია – ნუმზარ მაღალურამი; იურიდიული საკითხთა კომისია – თამაზი კობახიძე; ქონების მართვისა და საფინანსო-საბიუჯეტო კომისია – ჯაბა სამუშია; ურბანული დაგეგმარების და საქალაქო მეურნეობის კომისია – გიორგი ბაბუნაშვილი; ჯანდაცვის და სოციალური საკითხთა კომისია – ირაკლი ფაშვიანიშვილი; ეკონომიკური განვითარებისა და საინვესტიციო პოლიტიკის და საერთაშორისო ურთიერთობების კომისია – ლევან დარბაზიშვილი; სპორტის და ახალგაზრდულ საქმეთა კომისია – ძმები მამუკა და ადამიანის უფლებათა დაცვის და საზოგადოებასთან ურთიერთობის კომისია – გუგუნი ზურაბაძე; გარემოს დაცვის კომისია – შორენა ბურჯანაძე; განათლებისა და კულტურის კომისია – თამაზ ტალიაშვილი; სახედელებისა და სიმბოლიკის კომისია – ლია ჯახაძე.

საკრებულოს დეპუტატების გადანაწილებით, საკრებულოში 9 ფრაქცია ჩამოყალიბდა, რომლებიც შემდეგნაირად გადანაწილდა: ფრაქცია „ქართული ოცნება – რესპუბლიკელები“ – ხათუნა სამხიანი; ფრაქცია „ქართული ოცნება – საქართველოსთვის“ – რამინა ბერიძე; ფრაქცია „ქართული ოცნება – კონსერვატორები“ – ნინო ბურჯანაძე; ფრაქცია „ქართული ოცნება – ეროვნული ფორუმი“ – ავთანდილ მამუკაძე; ფრაქცია „ქართული ოცნება – მრეწველები“ – ვლადიმერ ძნელიძე; ფრაქცია „ქართული ოცნება – თავისუფალი დემოკრატები“ – ბიორბი მუსხელიშვილი; ფრაქცია „ნაციონალური მოძრაობა – თბილისი“ – ირაკლი ბაბუნაშვილი; ფრაქცია „ერთიანი ნაციონალური მოძრაობა“ – სემონი უბრაყიანი; ფრაქცია „დემოკრატიული მოძრაობა“ – ზაზა ვეკუა.

მანანა ნოზაძე

ძირს სიღარიბე!

ევროკავშირი ახალ საგრანტო პროგრამას იწყებს მათთვის, ვისაც სოფლად, სოფლის მეურნეობის გარდა, რამე სხვა ბიზნესის დაწყება სურს. ეს ევროპის სამეზობლო პროგრამის – „სოფლის მეურნეობისა და სოფლის განვითარებისთვის“ (ENPARD-ის) ახალი ელემენტია. თუ მანამდე პროგრამის მთავარი მიზანი სოფლად აგრონარობის ხელშეწყობა იყო, ახლა სხვა მიმართულებების ხელშეწყობაც გადამწყდა.

კერძოდ, აგრონარობის გარდა, გრანტები გაიცემა სოფლად სხვადასხვა ბიზნესის განვითარებისთვის, მათ შორის, აგროტურიზმისა და ა.შ., რაც ადგილზე ეკონომიკურ განვითარებასა და დასაქმებას შეუწყობს ხელს. ამისთვის არ იქნება აუცილებელი კოოპერატივები შეიქმნას.

თუმცა, ახლად შექმნილი კოოპერატივებისთვისაც არსებობს გეგმები – მათთვის ევროკავშირის პროგრამა დამატებით დაფინანსებასაც გამოყოფს და მათ წევრებს ბიზნესგანათლებლაც დაეხმარება. დამატებით თანხები გამოიყოფა კოოპერატივების სააგენტოსთვისაც, რომელიც თავისი პერსონალის კვალიფიკაციას აამაღლებს. დამატებითი ფული მიემართება ბიუჯეტშიც, რომ მთავრობამ აგროსექტორის განვითარება უკეთ შეძლოს.

ევროპის სამეზობლო პროგრამა „სოფლის მეურნეობისა და სოფლის განვითარებისთვის“ 2013 წელს დაიწყო და იგი საქართველოში სურსათის წარმოების ზრდისა და სოფლად სიღარიბის შემცირების მიზნით ევროკავშირმა შეიმუშავა.

ახალი საგრანტო პროგრამა სოფლებსთვის

პროექტის ხანგრძლივობაა სამი წელი – 2013 წლის მარტიდან 2016 წლის მარტამდე – და მას სოფლის მეურნეობის სამინისტრო სხვა დარგობრივ სამინისტროებსა და სასოფლო-სამეურნეო მომსახურების ცენტრებთან ერთად ახორციელებს.

პროგრამა „ENPARD-საქართველოს“ მოსალოდნელ შედეგებს შორის არის:

მცირე ფერმერებს შორის თანამშრომლობის გაღრმავება, სოფლის მეურნეობის სექტორში ჩართული ინსტიტუტების ფუნქციონირების გაუმჯობესება, სოფლის მეურნეობის ეროვნული სტრატეგიის განხორციელებისთვის ხელის შეწყობა.

პროექტის ბიუჯეტია 40 მილიონი ევრო, რომელიც გულისხმობს საბიუჯეტო დახმარებას, გრანტებს, საქართველოს მთავრობისთვის ტექნიკური დახმარების განწევას და ასევე, საერთაშორისო ორგანიზაციებთან ერთად თანადაფინანსებული პროექტების განხორციელებას.



სიხარული დანარჩენი მინისტრებისთვის



პრემიერ-მინისტრის ყოფილი მრჩეველი ვანო მაჭავარიანი Forge-სთან საუბრისას აცხადებს, რომ ღარიბაშვილი მთავრობას კიდევ ერთხელ შემოდგომისთვის გადაახლისებს. Forge ვანო მაჭავარიანი ესაუბრა.

— ირაკლი ღარიბაშვილმა საკადრო ცვლილება მთავრობის მუშაობის ეფექტურობის გაზრდით ახსნა, მაგრამ ეფექტური მუშაობის აუცილებლობისთვის ამ პროფილის მინისტრების შეცვლა რამდენად არის შედეგზე ორიენტირებული?

— პრემიერ-მინისტრს უნდა ჩამოაყალიბოს თავისი გუნდი იმ სტილზე რომელიც მას მიაჩნია, რომ მოერგება და უკეთეს შედეგს დააძლევს. ცხადია, რომ არჩევანი არაა პოლიტიკოსებს შორის, ახალი მინისტრები უფრო მენეჯერები არიან, რომლებიც უშუალოდ დაექვემდებარებიან პრემიერს. ძალიან მნიშვნელოვანი ნაწილია ნდობა და ერთგულება, რომელსაც, როგორც ჩანს, პრემიერ-მინისტრი განსაკუთრებით ანიჭებს ყურადღებას. როგორც ჩანს, პრემიერს მიაჩნია,

ღარიბაშვილმა კურსი მენეჯერული ტიპის მინისტრებზე აიღო

რომ არაპოლიტიკოსები, რომელსაც პოლიტიკური პასუხისმგებლობა ექნებათ პოლიტიკური გუნდის მიმართ, ამ ეტაპზე არაა საჭირო.

როგორც ჩანს, ამ ეტაპზე საჭიროა ისეთი ადამიანები, რომლებიც ბიუროკრატიულად მიუდგებიან ამ თემას და თავის სფეროებზე იქნებიან პასუხისმგებელნი. როგორც ჩანს, ეს არის ის, რაც ღარიბაშვილს დიდი ხანია, უნდა და ძალიან კარგი მომენტი იპოვა ამისთვის.

— თქვენ თვლით, რომ პრემიერს მასზე დამოკიდებული მინისტრები სჭირდება და არა ივანიშვილის გუნდი?

— ფაქტია, რომ ეს გადაწყვეტილება მიიღო უფრო მენეჯერული ტიპის მინისტრების მიმართულებით. ეს ადამიანები არ არიან „ქართული ოცნების“ პოლიტიკურ ნრევებში ცნობილი სახეები. როგორც ჩანს, ამ გეგმას ღარიბაშვილი დიდი ხანია, ამუშავებს. როგორც ჩანს, ეს ვარიანტი მისაღები იქნება პარლამენტისთვის, მაგრამ მნიშვნელოვანია, რომ ეს არის სიგნალი დანარჩენი მინისტრებისთვის, რომ მას სჭირდება შედეგი, რადგანაც მისთვის მნიშვნელოვანია მისი პოლიტიკური მომავალი, როგორც ლიდერის, რომელიც ცდილობს დამკვიდრდეს ქართულ რეალობაში. ის კონკრეტული ნდობა, რომელიც მიანიჭეს ამ ადამიანებს მათ სფეროებში, ეს უფრო ბიზნეს მიდგომაა, ვიდრე პოლიტიკური. ამიტომ, ვნახოთ, თუ გაამართლებს, ამას დრო აჩვენებს.

— თქვენ ამბობთ, რომ ღარიბაშვილი მთავრობას კიდევ ერთხელ შემოდგომისთვის გადაახლისებს, როგორ ფიქრობთ, ამ შემთხვევაში ცვლილება საგარეო მიმართულებას შეეხება?

— ჩვენ გვესმის, რომ ყველაფერი იდეალურად არ არის საგარეო მიმართულებით. შემოძლია, გითხრათ, რომ ძალიან ბევრი თემა სამუშაო პროცესში, ბევრი თემა უფრო მეტ ყურადღებას იმსახურებს და უფრო კომპეტენტურობას. მათ შორის ერთ-ერთი მნიშვნელოვანი თემაა პრეზიდენტის საგარეო და უსაფრთხოების პოლიტიკურ ასპექტში ჩართულობა საერთაშორისო არენაზე.

არ მგონია, რომ ეს ცვლილებები იყოს სრულყოფილი, როგორც ჩანს, ამ ეტაპზე ეს არის მაქსიმუმი, რასაც ღარიბაშვილი აკეთებს. არ გამოვიციხავ, რომ შემოდგომისთვის შედეგებისდა მიხედვით მოხდეს შემდგომი გადახედვა იმისა, თუ რა პროფილის მინისტრები შეიძლება კიდევ შეიცვალოს.

— იყო მოლოდინი, რომ ამ მინისტრების გარდა, ასევე ცვლილებები შეეხებოდა იმ სფეროებსაც, რომლის მიმართ საზოგადოებას ჰქონდა მეტი მოლოდინი. ეს არ მოხდა, მაგრამ, როგორც ჩანს, ეს ცვლილება იქნება წლის ბოლოსკენ.

— ვარაუდების გაკეთება არ მინდა, მაგრამ შემოძლია, გითხრათ, რომ ეს არის პირველი ნაწილი იმ ცვლილებებისა, რომელსაც გაგრძელება ექნება შემოდგომისთვის. ამ ეტაპზე ჩვენ გვყავს ყოფილი პრემიერის მიერ შერჩეული მინისტრები, რომელთაც თავისი ურთიერთობა აქვთ ყოფილ პრემიერ-მინისტრთან უფრო მეტად, ვიდრე ახალ პრემიერ-მინისტრთან, შესაბამისად, ეს არის განმსაზღვრელი ფაქტორი მათი დარჩენის თვალსაზრისით. თუმცა, როგორც გითხართ, ღარიბაშვილი მთავრობის გადახალისებას შემოდგომისკენ მიუბრუნდება.

თამაზ ძარჩავა

სადაზღვევო სექტორი

რათა მოსაპალი დასული იყოს...

სოფლის მეურნეობაში ფულის დაბანდება საკმაოდ სარისკო საქმეა, რადგან საბოლოო შედეგს ხშირად განსაზღვრავს სტიქია. ამასთან, ჩვენში სოფლის მეურნეობის დარგების განვითარებას ხელს ისიც უშლის, რომ, მაღალი რისკების გამო, კომერციული ბანკები ამ სფეროს პროექტებისთვის სახსრებს ძალიან უხალისოდ გამოყოფენ, რის შედეგად იგი გამუდმებით „საფინანსო შიმშილს“ განიცდის. აგრარული სექტორისკენ ფინანსური სახსრების ნაკადის მიმართვის მეტად პერსპექტიული გზა სასოფლო-სამეურნეო პროექტების დაზღვევაა, რაც ბანკების რისკების ერთგვარი ფარი იქნება, გლახებს კი საქმის უფრო თავისუფლად წარმართვის შესაძლებლობას მისცემს. ამ მხრივ მეტად მნიშვნელოვანია ის, რომ საქართველოს მთავრობა აგროდაზღვევის სუბსიდირებას იწყებს, რაც სადაზღვევო ბაზარსაც გამოაცოცხლებს და კომბანკებისთვისაც სამოქმედო დამატებითი სტიმული იქნება.

და. რაც შეეხება თავად სადაზღვევო პაკეტებს, ნინო ზამბახიძის თქმით, მთავრობამ კანონპროექტში უშუალოდ სოფლის მეურნეობის მწარმოებელთა მიერ წამოყენებული საკითხები გაითვალისწინა, თუმცა, მთლიანად არა სახეს მიიღებს კანონი საბოლოოდ, ჯერჯერობით უცნობია.

— აუცილებელია, აგროდაზღვევა კონკრეტული იყოს, რადგან ფერმერისთვის მნიშვნელოვანია, ვთქვათ, სეტყვისგან, გვალვისგან, პირუტყვის

ამასთან დაკავშირებით, ცოტა ხნის წინათ საქართველოს სოფლის მეურნეობის სამინისტრომ და გერმანიის რეკონსტრუქციის საკრედიტო ბანკმა აგროდაზღვევის პოტენციალის თაობაზე კვლევის ჩატარების შესახებ შეთანხმებას მოაწვეს ხელი. დოკუმენტის თანახმად, კვლევას საქართველოსა და ასევე სომხეთში, გერმანული ბანკი დააფინანსებს, მისი შედეგები კი სექტემბერში გახდება ცნობილი.

სწორედ ამ კვლევის საფუძველზე



აგროდაზღვევის შესახებ შესაბამისი კანონპროექტი, რომლის შემუშავებაში აქტიურ მონაწილეობას იღებდა საქართველოს ფერმერთა ასოციაცია, პარლამენტს საკომიტეტო მოსმენებისთვის უკვე გადაეცა. ასოციაციის პრეზიდენტის ნინო ზამბახიძის განცხადებით, კანონპროექტის საფუძველად ესპანეთში მიღებული მოდელია აღებული, ამასთან, გარკვეული ელემენტები სხვა ქვეყნების ამ ტიპის კანონმდებლობიდანაცაა გათვალისწინებული.

— საქართველო აგროდაზღვევით მომსახურებისთვის მზად არის, რადგან სახელმწიფოს ამ სადაზღვევო პროდუქტის გამოყენებით პროდუქციის გაიაფება შეუძლია, — აცხადებს ფერმერთა ასოციაციის ხელმძღვანელი, თუმცა კი იმასაც აღნიშნავს, რომ სადაზღვევო კომპანიებთან ურთიერთობა თავდაპირველად გარკვეულწილადჭირ-

დაავადებებისგან და ა. შ. დაზღვევა და არა ზოგადად, რაღაც დაუდგენელი საფრთხეებისგან თავის დაცვა. აქამდე კი, ფაქტობრივად, თუნდაც ჩამოთვლილი საფრთხეები კონკრეტულად არ იზღვეოდა, რადგან ძალიან დიდ სახსრებთან იყო დაკავშირებული, რისი საშუალებაც გლახობას არ ჰქონდა. ახალი კანონპროექტი ასეთი კონკრეტული გათვალისწინებულია, — განაცხადა ნინო ზამბახიძემ.

აგროდაზღვევის სხვადასხვა პაკეტის ღირებულება, სოფლის მეურნეობის დარგისდა მიხედვით, განსხვავებული იქნება, რაც რისკების რეალური საფრთხის დონესა და მის ზარალიანობაზე დამოკიდებული.

გადანყდება ახლო მომავალში, აგროდაზღვევის მხოლოდ კომერციული ბანკები და სადაზღვევო კომპანიები განახორციელებენ, თუ ამ პროცესში აქტიურ მონაწილეობას სახელმწიფოც მიიღებს. გარდა ამისა, სოფლის მეურნეობის სამინისტროში აცხადებენ, რომ მთავრობის მიერ აგროდაზღვევის სუბსიდირება ნებისმიერ შემთხვევაში განხორციელდება, რაც, საექსპერტო შეფასებით, უაღრესად დადებითი მომენტი.

თავად აგროდაზღვევის კანონპროექტს, საქართველოს პრემიერ-მინისტრთან არსებულ ეკონომიკურ საბჭოზე განიხილავენ, პარლამენტი მისთვის საბოლოო სახის მიცემას საშემოდგომო სესიაზე შეუდგება.

ოთარ ტურაბალიძე

შეტყობინება კონტრაქტის მინიჭების შესახებ

პროექტის დასახელება: **შიდასახელმწიფოებრივი და ადგილობრივი გზების მეორე პროექტი (SLRP II)**

განმახორციელებელი სააგენტო: **საქართველოს რეგიონული განვითარებისა და ინფრასტრუქტურის სამინისტროს სააგენტოშილო გზების დეპარტამენტი**

ქვეყანა: საქართველო
პროექტის ნომერი: P122204

სატენდერო დოკუმენტის/კონტრაქტის საიდენტიფიკაციო ნომერი: SLRP II/CS/SSS-06

კონსულტანტი: მარიამ ბახტაძე
მისამართი: საქართველო, თბილისი, ვარკეთილი, IV მ/რ, II რიგი, ბ.105
კონტრაქტის ხელმოწერის თარიღი: 17 ივლისი, 2014
შესყიდვის მეთოდი: ერთ პირთან მოლაპარაკება
ღირებულება: 22 500.00 ლარი
სანგრძლივობა: 1 (ერთი) წელი
კონტრაქტის ფარგლებში შესასრულებელი სამუშაოები: SLRP II, SLRP III, KRRIP პროექტების მენეჯერის ასისტენტი

Contract Award Notification

Project Name: **Second Secondary and Local Roads Project (SLRP II)**

The project implementing Agency: **Roads Department of the Ministry of Regional Development and Infrastructure of Georgia**

Country: Georgia
Project Number: P122204

Bid/Contract Reference No: SLRP II/CS/SSS-06
Consultant: Mariam Bakhtadze
Address: Varketili IV Micro Region, II Line, Tbilisi, Georgia
Contract signature date: 17 July, 2014
Method of Procurement/Selection: Single Source Selection
Price: Gel 22 500.00 Gel
Duration: 1 (one) Year
Summary scope of contract: Assistant to Project/Contracts Manager for SLRP II, SLRP III, KRRIP

© რას წერენ, რას ამბობენ ჩვენზე

საქართველოს პრემიერ-მინისტრმა შვილი მინისტრი შეხვალა

22 ივლისს საქართველოს პრემიერ-მინისტრმა ირაკლი ლარიაშვილმა წარმოადგინა მთავრობის განახლებული შემადგენლობა. საკადრო ცვლილებები შეეხო შვიდი სამინისტროს ხელმძღვანელს – კულტურის, გარემოს დაცვისა და ბუნებრივი რესურსების, ლტოლვილთა და იძულებით გადაადგილებულ პირთა, სოფლის მეურნეობის, რეგიონალური განვითარებისა და ინფრასტრუქტურის, სასაზღვაო სავაჭრო ურთიერთობებისა და პრობაციის საკითხების და დიასპორის საკითხებისა. ამ დროს ორი გათავისუფლებული მინისტრი, რომლებიც მმართველი პარტიის შემადგენლობაში შედიოდნენ, ლარიაშვილმა სხვა სამინისტროების თანამდებობების ნომინირებისთვის შემოინახა. კულტურის ახალი მინისტრის კანდიდატურა, პრემიერ-მინისტრის სიტყვებით გამოცხადდება ხვალ.

როგორც ლარიაშვილმა განაცხადა, კაბინეტის განახლების მიზანია მთავრობის მუშაობის ეფექტიანობის ამაღლება – „იმისათვის, რომ შევასრულოთ ყველა დაპირება, რაც „ქართულმა ოც-

ქართული ოპოზიციამ თვითკრიტიკულად უნდა შეაფასოს „ფასადურად“ მიიჩნევს

პრეზიდენტის 2013 წლის ნოემბრის არჩევნებთან შედარებით ადგილობრივ არჩევნებში მმართველმა კოალიციამ 300 ათას ხმაზე ნაკლები მიიღო. საქმე ისაა, რომ მინისტრები ანარმობდნენ მხოლოდ რუტინულ მუშაობას და თავს არიდებდნენ პასუხისმგებლობას, არ ახორციელებდნენ აუცილებელ რეორმებს. არ არის გასაკვირი, რომ ხალხი განილებულია“, – თქვა კახიშვილმა ამერიკის ხმის რუსეთის სამსახურთან ინტერვიუში.

ექსპერტმა აღნიშნა სხვა ვითარებაც: უპორტფელოდ დარჩა ხუთი მინისტრი, რომლებიც არ ეკუთვნიათ მმართველ პარტიას, ორი მინისტრი კი, რომლებიც „ქართული ოცნების“ შემადგენლობაში შედიან, გადაყვანილია ახალი მინისტრების ხელმძღვანელების პოსტებზე. კახიშვილის აზრით, პრემიერის ეს გადაწყვეტილება სასურველ შედეგებს არ მოიტანს, ვინაიდან მთავრობის შემადგენლობა უნდა განახლდეს თითქმის მთლიანად.



ნებაში“ მისცა ქართველ ხალხს და სრულფასოვნად განვახორციელოთ დასახული ამოცანები“.

ჩვენ უნდა გავაორმაგოთ ენერჯია და მოტივაცია, მეტი სურვილი და მეტი ეფექტიანობა. ამიტომ მიმჩნია, რომ უნდა გადავიდეთ ახალ რეჟიმზე და ჩვენ გვჭირდება მუშაობის სხვა ტემპი, ვინაიდან ჩვენ სხვა გამოწვევების წინაშე ვდგავართ... მთავარია, რომ ყველაფერი გამოსწორდეს დროულად“, – განაცხადა საქართველოს მინისტრთა კაბინეტის ხელმძღვანელმა, რომელმაც კადრების ცვლილების ანონსირება გააკეთა ბრიფინგზე 21 ივლისს.

იმასთან დაკავშირებით, რომ განახლდა მინისტრთა კაბინეტის ერთი მესამედი, საქართველოს კანონმდებლობის თანახმად, აუცილებელია, რომ პრემიერ-მინისტრის მიერ წარმოდგენილი კანდიდატურები დაამტკიცოს პარლამენტმა.

ოპოზიციური „ერთიანი ნაციონალური მოძრაობა“ ცვლილებებს მთავრობაში „ფასადურად“ მიიჩნევს. ამ პარტიის წარმომადგენელთა სიტყვებით, ეკონომიკური და სხვა პრობლემების გადასაჭრელად, რაც საქართველოს მთავრობის წინაშეა, საჭირო იყო სხვა მინისტრების შეცვლა.

„მთავრობა ძალიან ცდება, თუ მრავალმილიონიან პრობლემას ბიუჯეტში კულტურის მინისტრს აბრალებს“, – თქვა მასობრივი ინფორმაციის საშუალებებისთვის მიცემულ კომენტარებში პარლამენტარმა „ერთიანი ნაციონალური მოძრაობიდან“.

ამავე დროს, მიუხედავად იმისა, რომ „ერთიანი ნაციონალური მოძრაობის“ – ექსპრეზიდენტის მიხედვით სააკაშვილის პარტიის – წარმომადგენლებმა განაცხადეს, რომ არ დაუჭერენ მხარს ახალ მინისტრებს, დეპუტატების ოდენობა მმართველი პარტიიდან საკმარისია მათი დამტკიცებისთვის.

ანალიტიკოსის აზრით, ერთი წლისა და რვა თვის განმავლობაში ხელისუფლების სათავეში ყოფნის დროს „ქართულმა ოცნებამ“ ვერ შეძლო, განეხორციელებინა „კონცეპტუალური რეფორმები“, ეს კი, ხაზგასმით აღნიშნავს პოლიტოლოგი, ადასტურებს, რომ მოქმედი მინისტრების მუშაობის სტილი არაეფექტიანია და არ შეუძლია, უზრუნველყოს მმართველი კოალიციის მიერ მიცემული დაპირებების შესრულება.

„მთავრობის განახლებით „ქართულმა ოცნებამ“ უჩვენა საზოგადოებრიობას, რომ მზადაა ცვლილებებისათვის, მაგრამ ამავე დროს ვერ შეძლო ცვლილებების განხორციელებინა პარტიის წევრ მინისტრებზე. ეს ნიშნავს, რომ რამდენიმე თვის შემდეგ, როდესაც მოსახლეობის მოლოდინი არ გამართლდება, დღის წესრიგში დადგება მთავრობის უდიდესი ნაწილის შეცვლის საკითხი“, – მიიჩნია კახიშვილს.

„ცოცხალი ტრაფიკი“

ამერიკის ხმისთვის მიცემულ კომენტარებში ექსპერტმა ზაალ ანჯაფარიძემ აღნიშნა, რომ კაბინეტის განახლების ფონზე საკვანძო მინისტრებმა შეინარჩუნეს თავიანთი პოსტები, მიუხედავად „ცოდვებისა მუშაობაში“.

„პრობლემები ბევრ სამინისტროშია, მაგრამ მათზე ხელის შეხება ვერ გაბედეს, ვინაიდან მათ უკან იყო პარტიული კუთვნილება. ეს საკადრო კარუსელი შეიძლება განვიხილოთ, როგორც პოლიტიკარის ელემენტი, რათა უჩვენონ საზოგადოებას, რომ მთავრობა რეაგირებას ახდენს მოსახლეობისა და სამოქალაქო სექტორის აზრზე“, – ასე დაახასიათა სიტუაცია ზაალ ანჯაფარიძემ.

ანჯაფარიძის ეჭვი ეპარება იმაშიც, რომ ორი მინისტრი, რომლებიც გადასხდნენ ახალ საგარდლებში, შეძლებენ „ეფექტიანად იმუშაონ“ ახალ თანამდებობებზე. მისი სიტყვებით, მათ „უბრალოდ შეუცვალეს კაბინეტები“. ექსპერტი ასკვნის: სააკაშვილის მთავრობასთან შედარებით ამჟამინდელ კაბინეტში მინისტრებს აქვთ „ოდნავ მეტი მოქმედებათა თავისუფლება“, მაგრამ არა იმდენად, რომ ისინი მივიჩნიოთ შეუცვლელ პოლიტიკურ ფიგურებად. ეს, ანჯაფარიძის აზრით, არის დაბრკოლება მმართველი კოალიციის წინასაარჩევნო დაპირებათა განხორციელების გზაზე.

„გარკვეული თვალსაზრისით, წინა ტრადიციები ცოცხალია“, – ასკვნის ექსპერტი.

„არასაკმარისი ზომა“

საბარჩაიშვილი და პოლიტიკური ტექნოლოგიების კვლევის ცენტრის ხელმძღვანელი კახა კახიშვილი მიიჩნევს, რომ პრემიერის გადაწყვეტილება – შეცვალოს შვიდი მინისტრი – გამომწვეულია უკმაყოფილებით, რასაც იწვევს მოსახლეობაში მმართველი კოალიციის საქმიანობა. ექსპერტის სიტყვებით, ყველაზე მკაფიოდ ეს გამოიხატა ადგილობრივი თვითმმართველობის ორგანოებში არჩევნების დროს. კენჭისყრის შედეგების მიხედვით, რომელიც 15 ივნისს გაიმართა, მმართველმა „ქართულმა ოცნებამ“ ვერ შეძლო, მოეპოვებინა უსიტყვო გამარჯვება რვა ქალაქში, რის შედეგადაც გაჩნდა მეორე ტურის აუცილებლობა, რომელიც 12 ივლისს გაიმართა.

დედამიწის ზურბზე



პროკონკომ ხელი მოაწერა უმაღლესი ხალხის მიერ დამტკიცებულ კანონს ქარკოპოზილიზაციის შესახებ

დოკუმენტის ოფიციალურ პრესაში გამოქვეყნების შემდეგ დაინება კერძო მობილიზაცია 45 დღის განმავლობაში უკრაინის ყველა რეგიონის ტერიტორიაზე. უკრაინის ეროვნული უშიშროების საბჭოს ხელმძღვანელის ანდრეი პარუბის სიტყვებით, ახალმა კანონმა უნდა უზრუნველყოს სამხედრო ნაწილების გაძლიერება და რატაცია ანტიტერორისტული ოპერაციის პარალელურად ქვეყნის აღმოსავლეთში. უწინარეს ყოვლისა, გაიწვევენ მამაკაცებს მსახურების გამოცდილებით.

ლონდონი მოითხოვს რუსეთის შეიარაღების მიწოდების შეწყვეტას, თუმცა, შარშან გაზარდა რუსეთში შესანახებისა და საბრძოლო ნაწილების ქაჩაობა

პრემიერ-მინისტრი დავიდ კემერონი, რომელიც მრავალგზის აკრიტიკებდა რუსეთისთვის ფრანგული შეეულმზიდების მიწოდების შესაძლებლობას, როგორც აღმოჩნდა, აფიშირებს არ უკეთებდა ინფორმაციას იმის შესახებ, რომ თავად დიდმა ბრიტანეთმა უკანასკნელი წლის განმავლობაში გაზარდა რუსეთში იარაღის მიწოდება. მასობრივი ინფორმაციის საშუალებების ინფორმაციით, მოსკოვი ლონდონისგან ყიდულობს იარაღს წელიწადში 200 მილიონ დოლარზე მეტი თანხით.



ჩინეთის ქალაქი იუიჩენი მთლიანად დახურეს შავი ჭირის ქაჩაობის გამო

ჩინეთის ჩრდილო-დასავლეთის პროვინციის მცხოვრებს შავი ჭირი შეეყარა, როდესაც დაიჭირა ვირზაზუნა და დაჭრა იგი თავისი ძალღისთვის. ქალაქ იუიჩენის მცხოვრებლები რჩებიან მედიკოსების მეთვალყურეობის ქვეშ. ჩინეთის მასობრივი ინფორმაციის საშუალებები ირწმუნებიან, რომ მათ აქვთ საკმარისი ბრინჯი და ფქვილი, ხოლო დაავადების გავრცელების რისკი მინიმალურია.

პარუს პრაზიციანობა სამი წლის განმავლობაში მხსნათა პრემიერ-მინისტრი გალაყუნა

რენე კორნესოს სახელი, რომელიც მინისტრთა საბჭოს თავმჯდომარის პოსტზე მიმდინარე წლის თებერვალში დაინიშნა, ნახსენებია ადგილობრივ პრესაში იმ სკანდალთან დაკავშირებით, რომელშიც გახვეული აღმოჩნდა მისი მრჩეველი. პრეზიდენტმა გადაწყვიტა, არ დაინდოს პრემიერი, იმედი აქვს, რომ ამით ის თავის დაცემულ რეიტინგს გაასწორებს.



ცურვა

უხვი ნადავლი



სლოვენიაში დამთავრდა ახალგაზრდა მოცურავეთა საერთაშორისო ტურნირი...

სლოვენიაში რუსთაველმა რუსუდან გოგინაშვილმა 100 და 200 მეტრზე ბრასით მოიპოვა ოქროს მედლები...

ვიზი გაგზავნა სურათზე: ახალგაზრდა ქართველი მოცურავეები სლოვენიაში.

უხალხსი სკოლა

ბურთს ექიმიც ემონება

ბრაზილიურ მუნდიალს საინტერესო ღონისძიება მიუძღვნეს ჯანმრთელობის დაცვის სისტემის დაწესებულებათა თანამშრომლებმა...

ფინალი. იაშვილის | გუნდი - | საავადმყოფო 1:1 (დამატებით დროში 5:1). აღსანიშნავია, რომ ამ გუნდების ჯგუფური რაუნდის თამაშში ამ უკანასკნელმა 12:3 მოიგო...

ვან წევრად მოგვევლინა. მასვე თენგიზ სულაქველიძემ სულგრძელად დაუთმო თავისივე სახელობის აკადემიის სარბიელი სასურველ დღეებსა და დროს პარტნიორთათვის სავარჯიშოდ.



გაუწყებთ ერთთვიანი ასპარეზობის დასკვნითი მატჩების შედეგებს. ნახევარფინალი. იაშვილის სახელობის ბავშვთა საავადმყოფოს პირველი გუნდი - „პსპ ნიუ ჰოსპიტალსი“ 5:3, პირველი საავადმყოფო - იაშვილის სახელობის ბავშვთა საავადმყოფოს მეორე გუნდი „ავანტი“ 5:2.

ტურნირის გამორჩეული მონაწილეები: მეკარე - რევაზ მანჯგალაძე, მცველი - ლევან ჩოჩია, საუკეთესო ფეხბურთელი - ზურაბ ძაგანია (სამივე - იაშვილის | გუნდი), ყველაზე ტექნიკური მოთამაშე - დავით კაკაბაძე, ზომბარდირი - ზაზა თელია 14 გოლი (ორივე - | საავადმყოფო). სპეციალური თასი გადაეცა ჩემპიონი ორგანიზაციის თავკაცს შოთა ჯოგლიძეს, რომელიც ძირითადი შემადგენლობის წამყვანი...

სახურებულმა მოღვაწემ ვახტანგ ბაქანიძემ ყველაფერი იღონა საიმისოდ, რომ დიპლომიან ექიმებს საკუთარი საფეხბურთო შესაძლებლობები წარმოეჩინათ. უნდა ითქვას, რომ წარმატებითაც.

კობა კობახიძე მინაწერი: გუშინ თენგიზ სულაქველიძის დაბადების დღე იყო. ვულოცავთ!

ელიტა

ტაიგარი ისევ უმდიდრესია



ტაიგარ მუდმივ მსოფლიოში კვლავ ყველაზე მდიდარი სპორტსმენია. მისმა სპორტულმა შემოსავალმა თითქმის მილიარდს მიაღწია. 2009 წელს მისი ნადავლი 100 მილიონი იყო. ამავე წელს, ოჯახის შენარჩუნების მიზნით, გოლფიდან გაურკვეველი ვადით წასვლაზე განაცხადა, თუმცა შემდეგ დაუბრუნდა საქმიანობას.

ვიტალი ჯაფარიძე

მხარე

რეაბილიტაცია საქართველოში



მომავალ შაბათ-კვირას ბაზალეთის ტბაზე ბაიდარასა და კანოეში საქართველოს ღია ჩემპიონატი გაიმართება. შეჯიბრებაში თბილისის, მცხეთის, რუსთავის, ქუთაისის, ფოთის, დუშეთისა და სომხეთის წარმომადგენლები იასპარეზებენ.

უმცროსი ასაკის (15-წლამდელები) კანონისტა ორთაბრძოლაში წარმატებას მიაღწია ნიკოლოზ ხატიაშვილმა (მცხეთა), ერთადგილიანი ბაიდარაში ფინიშთან პირველი იყო ვალერი კიკნაძე (მცხეთა), ხოლო ორადგილიანი ნავით ემზარ ირემაშვილმა და ვაკო ლაზვიანიშვილმა (ორივე-დუშეთი) იმარჯვეს.

ლაშა დიდიან სურათზე: ლევან სოსელია (წინ) და გიორგი მარტოლეკი დისტანციაზე. ვაჟა დანელიას ფოტო.

კონტრაქტი

სამეს როდრიგესი „რეალის“ წევრია

კოლუმბიელმა სამეს როდრიგესმა მადრიდის „რეალთან“ ექვსწლიანი კონტრაქტი გააფორმა და ესპანეთის დედაქალაქის ერთ-ერთ კლინიკაში სამედიცინო შემოწმებაც წარმატებით გაიარა.



სხვადასხვა წყაროები იუნჯეებთან, რომ 23 წლის როდრიგესი წლიურად 7 მილიონ ევროს მიიღებს. შეგახსენებთ, წლევანდელი მუნდიალის საუკეთესო ბომბარდირი სამეს როდრიგესი უნინ კოლუმბიის „ენვიგადოს“, არგენტინის „ბანფილდის“ და პორტუგალიის „პორტუს“ ღირსებას იცავდა, გასულ სეზონში კი „მონაკოს“ შემადგენლობაში 34 მატჩი ჩაატარა და 9 გოლი გაიტანა.

გიორგი შოთაძე

ინტერნეტიდან

ნეიმარი VS „პლეიბოი“



ჩვენს მკითხველს კარგად ემახსოვრება, როცა ვწერდით კატალონიურ კლუბ „ბარსელონასა“ და ბრაზილიის ნაკრების თავდამსხმელ ნეიმარის დაძაბულ ურთიერთობაზე „პლეიბოისთან“.

საქმე ისაა, რომ „პლეიბოის“ იგნისის ნომრის გარეკანზე მოდელ პატრისია ჯორდანის ფოტოა, რომელიც ირწმუნებოდა, რომ ნეიმართან მხურვალე ვნებები აკავშირებდა. ამაზე ნეიმარი აღშფოთდა, მოდელს ტყუილში დასდო ბრალი და „პლეიბოის“ გამოცემასაც უჩივლა.

სასამართლომ დააკმაყოფილა ფეხბურთელის სარჩევი და გამოცემას მოსთხოვა იგნისის თვის მთელი ნომერი გაყიდვიდან ამოიღონ. თუ ურუნალოს მფლობელები ამ რისკზე არ წავლენ, მაშინ 10 ათასი რეალის (4,5 ათასი დოლარი) გადახდა მოუწევთ ჯარიმის სახით.

როსტომ რაჭველიშვილი

ცხელი ზაფხული გაზაღეთვა



ივლისის სვამბა საფიქრალი გაუჩინა დედაქალაქში დარჩენილებს – სულის მოსათქმელად ზოგმა თბილისის ზღვას მიაშურა, ზოგმაც კუს



და ლისის ტბებს, მცხეთელმა და დუშელმა ახალ-გაზრდებმა კი ბაზალეთის ტბა არჩიეს. ვაჟა დანელიას ფოტო.



რა არ ხდება ქვეყანაში!

დანიშნულების ადგილი მარსი

ამერიკული ტელეარხის UFO TV-ს შურნალისტებმა ნახევარსაათიანი ფილმი გადაიღეს ერთ-ერთ გადამდგარ საზღვაო ფეხოსანზე, რომელმაც თავი კაპიტან ჯეი ქეიდ წარადგინა და ინტერვიუში განაცხადა, რომ ბოლო 17 წლის მანძილზე... მარსზე მსახურობდა. ყოფილი სამხედრო მოსამსახურის თქმით, მისი მო-



ვალეობა ადამიანთა უცხოპლანეტური ბაზების დაცვა იყო... მტრულად განწყობილი ადგილობრივი მოსახლეობისგან!

კაპიტანმა ქეიმ შურნალისტებს უამბო, რომ იგი ამერიკის ეროვნული ორგანიზაციის „დედამიწის დაცვის სამსახურის“ (Earth Defense Force) დაქვემდებარებაში მყოფი საიდუმლო კოსმოსური ფლოტის ერთ-ერთი მეთაური იყო. მარსზე გატარებული 17 წლის მანძილზე მას ამერიკის შეერთებული შტატების, ჩინეთისა და რუსეთის მოქალაქეებთან მუშაობა მოუწია. საზღვაო ფეხოსნის

ძირითადი მისია წითელ პლანეტაზე ადამიანების მიერ აგებული ხუთი კვლევითი ბაზის მარსის აგრესიულად განწყობილი მოსახლეობისგან დაცვა იყო.

მისი თქმით, მარსზე მძიმე სამსახურისთვის ხელისუფლება სამი წლის განმავლობაში ამზადებდა. ამ ხნის მანძილზე მან კოსმოსური გადამადგურებისა და ბომბდამშენთა სამ-სამი ტიპის მართვა ისწავლა, რომლებიც საგანგებოდ უაპერო სივრცეში საბრძოლო მოქმედებების განსახორციელებლად შექმნილი სწავლება... მთვარის გასაიდუმლოებულ ბაზაზე „Lunar Operations Command“-ზე მიმდინარეობდა, მაგრამ მისი გამხელა, თუ რამდენი კაცი მსახურობდა მასთან ერთად, კაპიტანმა ქეიმ არ ისურვა.

– მარსზე გატარებულმა თითქმის ორმა ათეულმა წელმა ლამის ერთიანად გამოგვითა, – თქვა მან. – ხელმძღვანელობა გაგებით შეხვდა გადადგომის შესახებ ჩემს პატაკს და ღირსეული გაცილება მომიწყო, რომელსაც ამერიკის სამხედრო უწყების მრავალი მაღალჩინოსანი, მათ შორის, თავდაცვის ყოფილი მინისტრი დონალდ რამსფელდი დაესწრო.

მეტად საგულისხმოა, რომ კაპიტან ქეის მსგავსად, მარსზე საიდუმლო სამხედრო ბაზების არსებობის შესახებ სხვა ყოფილი სამხედროებიც ლაპარაკობენ. ამერიკელმა ტელეშურნალისტებმა ფილმი სწორედ მათ მონათხრობზე ააგეს.

ცინცხალი ანაკლოტები

– მისო, 130 კილოგრამს აწევ?
– რატომაც არა, ყოველდღე სომ ვდგები საწოლიდან?
* * *
– წარმოგიდგინებ, წუხელ ჩემი ცოლი კინალამ გააუპატიურეს!
– მთლად გაცოფდნენ, გარყვნილები!
* * *
ქმარი – ეს არის მამაკაცი, რომელსაც თქვენ მთვრალიც ჰყავხართ ნა-



ნახი, ტიტველიც, უმაკიაჟოც, მომკვიანიც, ათასი სისულელის მჩმახავიც და, რაოდენ გასაკვირიც უნდა იყოს, მაინც თქვენთან მცხოვრები...
* * *
– შხანნიშენი სარეცხის მანქანა ვიყიდე. კიდევ რეცხავს და კიდევ წურავს. და, რაც მთავარია, არ ხმაურობს.
– ჩემი კი თავად ასხამს წყალს, ყრის ფხენილს, რეცხავს და წურავს, თუმცა, ხშირად ხმაურობს.
– უცხოურია?
– ჩემი დაშა? რას ამბობ, სამამულაო!

ქართული ფლორის საოცრება

„სალხინო“ უეზარი წამალი

„სალხინო“ ანესრიგებს შარდსასქესო ორგანოების მოქმედებას, როცა შეიმჩნევა შენელებული და გასშირებული შარდვა, შარდვის დროს წვა, შარდსადენი ხველის ბაგეთა მიწებება, სუნი, გამოწვეული, ტკივილი წელის, გავის ძვლის, თირკმლების არეში, შარდის წვეთ-წვეთად გამოყოფა, მოშარდვის სურვილის დაუკმაყოფილებლობა, აგვარებს თესლის ნაადრევ გამოყოფას, ალაღვენს სექსუალურ სისუსტეს. რეკომენდებულია მასტოპათიების, ქროლოზების, კანის, ლორწოვანი, ჩირქოვანი და ანთებითი პროცესების, პირის ღრუს, სასუნთქი სისტემის ანთებითი დაავადებების დროს. რინიტის, ბრონქიტის, პულპიტის, გინგივიტის, პარადონტიტის, ქოლესისტიტის, კოლიტის, პეპტიკის, ნეფრიტის, პიელონეფრიტის, კოლპიტის, პროსტატიტის, რადიკულიტის, ბუხასილისა და სხვა ანთებითი პროცესებით გამოწვეული დაავადებების მკურნალობა-პროფილაქტიკისათვის. ანესრიგებს კუჭ-ნაწლავის ტრაქტის მოქმედებას.



„სალხინო“ სარძევე ჯირკვლების დაავადებების დროს ხსნის ტკივილებს მკერდის, ბეჭისა და ილიის არეში. მასტოპათიების შემთხვევაში, უნარი აქვს, გაინოვოს სიმსივნური წარმონაქმნები. თუ გამოიყენებ „სალხინოს“ მშობიარობის შემდეგ (პროფილაქტიკის მიზნით), აიცილებთ მასტიტს და შეინარჩუნებთ ბავშვის კვებას საკუთარი რძით.

„სალხინოში“ შემავალი უნიკალური ნივთიერებების არსებობა და მისი უეზარი სამკურნალო თვისებები შემონახული და დამტკიცებულია სხვადასხვა ქვეყნის ათეულობით სამეცნიერო-კვლევითი ინსტიტუტის ლაბორატორიებში, კლინიკებსა და კათედრებზე. მიღებული აქვს სახელმწიფო პატენტები და ლიცენზია.

„სალხინო“ იკითხეთ აფთიაქებში.
● გამოყენების წინ გაეცნით ინსტრუქციას.
● გვერდითი მოვლენების შესახებ დეტალური ინფორმაციის მისაღებად მიმართეთ ექიმს.
ტელ.: 214 41 58; მობ.: 577 49 94 84
www.salkhino.ge

გილოცვა

აკაკი წერეთლის სახელმწიფო მუზეუმის თანამშრომლები გულითადად ვულოცავთ მუზეუმის საბატიო წევრს, ბატონ ნიკოლოზ კურტანიძეს დაბადების 70 წლისთავს.
მუზეუმის თანამშრომლები

რეკლამა ბ. ახვლედიანის ქ. №19.
299-62-77; 568 82-09-84..

კაღრი



ავტორთა საპურადლოვად!
რედაქციის მიერ შეუკვეთავი მასალები დაიბეჭდება ავტორთა ხარჯით. ავტორთა მოსაზრებები, შესაძლოა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აგებენ ავტორები.

საქართველოს რესპუბლიკა
გამომცემლობა
გამომცემლობა: შპს „თანადგომა“-1-გაზეთ „საქართველოს რესპუბლიკის“ გამომცემელი“ ტ. 599 79-76-79) შპს „ახალი საუკუნე“ იბეჭდება „კოლორში“ (რკინიგზის ჩიხი, № 20)
ISSN 2233-3851
9 772233 1385001

მთავარი რედაქტორი
ალექს ალანიშვილი
299-62-77;
599 56-81-86

პასუხისმგებელი რედაქტორები:
გურამ გომიანიშვილი 599 53-76-16;
რუსლან რუსნი 599 17-21-21;
საბრტაძე მოზაბეგია 599 36-00-35
პასუხისმგებელი მდივანი
მამუკა ვაშაძე 514 33-33-24